




Vuk'uzenzele

Swi tisiwa ka wena hi Vuhlanganisi bya Mfumo (GCIS)

Xitsonga/English

Khotavuxika 2016 Nkandziyiso 1



Mpfuneto wa mfumo eka vanhu wu cinca vutomi

Pheji 5



Purasi ra KwaZondi ri kuma ndlandlamuxo

Pheji 10

YI NA MITIRHO ENDZENI

Ku tiyisa sisiteme ya nhletelo wa swa rihanyo wa Afrika-Dzonga



Holobye wa Rihanyo Dokodela Aaron Motsoaledi u tivisile makungu ya mfumo yo lwa na HIV na AIDS.

Amukelani Chauke

Loko tiko ri karhi ri ya emahlweni ri simeka nongonoko wa vutshunguri bya HIV na AIDS bya xiyimo xa le henhla emisaveni, Holobye wa Rihanyo Dokodela Aaron Motsoaledi u tivisile makungunkulu lama kongomisiweke eku tlakuseni ka ku lwa na HIV na AIDS.

Nongonoko, lowu sunguleke hi ku simekiwa ka pfhumba ro kambela lerikulu ra misava hi 2010 - leri thyiweke Pfumbura na Nkambelo na Ntsundzuxo wa HIV (HCT) - ri vone MaAfrika-Dzonga ma 18 miliyoni ma kamberiwa HIV na AIDS eka nkarhi wa tinhweti ta 18.

Namuntlha, 10 miliyoni wa maAfrika-Dzonga va kamberiwa lembe na lembe.

Holobye Motsoaledi u tivisile leswaku ku sukela hi Ndzhati lembe leri, vavabyi hinkwavo lava nga na HIV va ta kuma vutshunguri bya ARV ku nga langutiwi nhlayelo wa CD4.

“Hi Ndzhati lembe leri, hi ta susa nhlayelo wa CD4 tanihi hi maendlelo ya xinawu ya vutshunguri bya ARV. Hi ta sungula ku kambela na ku tshungula hi ku ya hi swiletelo lerintshwa leswi humesiweke hi Nhlanguano wa Rihanyo wa Misava (WHO)

hi N'wendzambahala lembe leri hundzeke.

“Hi ku engetela, hi ta nyika Pre Exposure Prophylaxis (PrEP) eka vatirhi va timhaka ta swa masangu eka minongonoko ya vatirhi va swa masangu va 10 ku sukela hi Khotavuxika lembe leri naswona hi ta sungula hi tidyondzo to dyondzisa ku sukela eka tiphurojeke to kombisa hi hilaha hi nga nyikaka hi ku antswisa PrEP eka vona loko ku nga si nyikiwa ku nghenelela loko eka vavasati lavantsongo hinkwavo lava nga sirhelelekangiki,” u vurile loko a andlala mbulavulo wa vhoti ya mpimanyeto wa ndzawulo ePalamende ku nga ri khale ngopfufu.

Holobye u tlhela a vula leswaku n'hweti leyi mfumo wu ta simeka pfhumba ra malembe manharhu leri kongomisiweke eku hunguteni mitlulelo eka vavasati va vantshwa na ku tlakusa swivandla swa ikhonomi ku va sirhelela ku suka eka vavanuna lavakulu.

“Hi ta simeka pfhumba ra malembe manharhu leri kongomisiweke eka vanhwanyana na vavasati lavantsongo, eka ntlawa wa vukhale bya malembe ya 15-24, na vavanuna lava va ta tluletaka na ku va bihisa emirhini,” u vurile.

Pfhumba ri ta kongomisa eka tindhawu ta

nkoka ta tlhanu:

- Ku hunguta mitlulelo eka vanhwanyana na vavasati lavantsongo
- Ku hunguta ku biha emirhini ka vantshwa
- Ku hunguta madzolongi ya swa masangu na ya ku fambelana na rimbewu
- Ku hlayisa vanhwanyana exikolweni ku fikela eka metiriki
- Ku tlakusa swivandla swa ikhonomi eka vavasati lavantsongo ku ringeta ku va hambanyisa na vavanuna lavakulu.

U vurile leswaku leswi a swi fambisana na xikongomelo xa ndzawulo xa ku fikelela xikongomelo xa Kungu ra Nhluvukiso wa Rixaka ra ku hunguta ku ndzhwalo wa vuvabyi, ku va na vutomi lebyi languteriweke bya malembe ya 70 hi 2030 na ku va na rixaka ro va hava Aids ra va malembe ya le hansi ka 20. “Pfumbura leri ri fanele ku va ra mfumo na vanhu hinkwavo na ku rhangeriwa hi vantshwa,” u vurile.

Holobye u vurile leswaku pfhumba ri ta durha R3 bilijoni naswona ri ta humelerisiwa hi nkama wo suka eka PEPFAR, Nkwama wa Misava hinkwayo, Ejensi ya Nhluvukiso ya German (GIZ) na tindzawulo ta mfumo.

Maifu ya Aids eAfrika-Dzonga ya yi le ehansi ku suka eka 320 000 hi 2010 ku ya eka 140 000 hi 2014, naswona hundziso wa HIV ku suka eka manana ku ya eka n'wana wu hungutekile ku suka eka vana va 70 000 hi 2004 ku ya ehansi ka 7 000 hi 2015.

“Tanihileswi u nga swi vonaka, leswi i ku humelela loku hlamarisaka swinene. Kambe u ta vona leswaku ku humelela ku ya ngopfufu hi ku Nghenelela ka Bayokhemikhali.

“Loko swi ta eka ndhawu ya ku nghenelela ka mahanyelo ya vanhu, i ku khandziya ntshava – ngopfungopfufu vanhwanyana na vavasati lavantsongo va malembe ya 15-24. Eka ntlawa lowu wa vukhale, ku na mitlulelo yintshwa ya 5 000 hi vhiki eka 14 wa matiko ya le dzongeni na ya le vuxeni bya Afrika – kambe hafu ya leyi yi humelela eAfrika-Dzonga ri ri roxe,” ku vurile Holobye.

Holobye u tlhela a vula leswaku minongonoko yintshwa yi ta durhela ndzawulo engetelo wa R1 bilijoni eka mpimanyeto wa lembe leri, lowu Vutameri bya Mali ya tiko se byi wu endleke wu va kona handle ka xiyimo xo biha xa ikhonomi.

VUVABYI BYA RIFUVA BYI TSHAMA BYA HA RI MUDLAYI LONKULU
Hi tlhelo lerin'wana, Holobye u vurile leswaku loko HIV na Aids swi tshama swa ha ri xivilelo, Vuvabyi bya rifuva (TB) i vuvabyi

lebyi dlayaka vanhu.

U vurile leswaku hambileswi mafu ya vuvabyi bya rifuva ya ye ke ehansi ku suka eka 70 000 hi 2009 ku ya ehansi ka 40 000 hi 2014, byi tshama bya ha ri mudlayi lonkulu wa mavabyi yo tlulela hinkwawo etikweni ra hina na matiko hinkwawo.

“Ku sukela loko pfhumba ra ku xopela ri simekiwile hi Siku ra Vuvabyi bya Rifuva ra Misava hi ti 24 Nyenyankulu 2015 hi Xandla xa Phuresidente Cyril Ramaphosa, ndza tsaka ku tivisa leswaku hi xopaxoperile hi ku humelela vanhu va madzanadzana eka swiyenge leswi nga sirhelelekangiki swa vukorhokeri bya swa makhotsa, timayini na miganga ya leyi nga kusuhi na timayini.

“Lembe leri hi kongomisa eka timasipalankulu ta nhungu hi xikongomelo xo xopaxopa vanhu va 1,3 miliyoni,” u vurile.

Holobye u vurile leswaku ndzawulo yi ta kuma malimpfuneto ya R4,2 bilijoni ku suka eka Nkwama wa matiko hinkwawo ku seketela tihlamulo ta mfumo ta HIV na vuvabyi bya rifuva.

EPE YINTSHWA YI TA LANDZELERISA KU KAYIVELA KA XITOKO XA MIRHI

Holobye u vurile leswaku wun'we wa mitlhlontlho leyikulu leyi nga na ndzhwalo wa vuvabyi etikweni i ku heleriswa hi mirhi – xihumelelo lexi vuriwaka ku hela ka xitoko xa mirhi.

U vurile leswaku ndzawulo a yi ri eku kayakayeni hi xiphiqu lexi nkarhi wo leha sweswi.

Sweswi mfumo wu simekile sisiteme ya ku vonakala ka xitoko leyi tivekaka tanihi SVS eka titlilini ka nhletelo wa swa rihanyo.

“Leyi i epe ya telefoni leyi vatirhi va nhletelo wa swa rihanyo va yi tirhisaka ku sikena tibakhodi ta mirhi na ku ngenisa tilevhele ta xitoko xa ti-ARV, murhi na mirhi yo tlhavela yo lwa na vuvabyi bya rifuva.

“Mahungu lama ma le ka nkarhi na xiviri naswona ma nyikiwa eka ndhawu ya misava yihi na yihi, hi ku tirhisa webu,” u vurile.

Holobye u vurile leswaku swifundzhankulu swa tsevu swi angarhela 1 900 kumbe 60% wa titlilini ka tiko.

U vurile leswaku makungu ya le ndleleni yo va na 100% wa titlilini hinkwato ta nhletelo wa swa rihanyo wa masungulo ku va ti vika ku va kona ka mirhi eka senthara ya vulanguteri bya kahle bya mirhi ya rixaka eka tin'hweti

> **Swi ya emahlweni eka pheji 2**

ANGARHELO

Government and citizens to interact more



Government has come up with creative ways to improve and ensure that there is constant communication with its citizens.

Amukelani Chauke

South Africans will soon experience even better interaction with government.

The Government Communication and Information System (GCIS) will spend over R300 million on programmes that will improve communication between the state and citizens, said Communications Minister Faith Muthambi when she tabled the department's Budget Vote.

The National Development Plan emphasises the need to unite South Africans around a common goal – ensuring that citizens are active in their own development and build a capable and developmental state.

"This partnership is as a result of our community outreach programme in far flung areas of our country.

"To support these outcomes, the GCIS will continue to implement programmes aimed at facilitating two-way communication between government and its citizens," she said.

The Minister explained that the partnerships would enable citizens to access information about government policies, plans, programmes and activities to promote government accountability and ensure that citizens can actively participate

in government initiatives.

"In order to fulfil this responsibility, a budget of R382.1 million has been allocated to the GCIS," she added.

GOVERNMENT THROWS ITS WEIGHT BEHIND COMMUNITY RADIO

The Minister said supporting community radio was a priority for government and urged the private sector to do the same.

"The Community Radio Support Strategy has been finalised and is being implemented. "I am pleased to inform the house that in the 2015/16 financial year the GCIS spent over R26 million on community radio advertising.

"During the 2016/17 financial year, five licensed community radio stations will be provided with broadcasting infrastructure," she said.

The Minister added that work was at an advanced stage as far as finalising the broadcasting policy review process was concerned.

She said some of the overarching and specific objectives of the review are to:

- Create a level playing field for emerging audio-visual media services.
- Protect and empower consumers (audiences), in particular to guarantee key societal values for the protection

of minors and human dignity and promote the rights of visually and or hearing impaired persons.

- Promote South African content to support social cohesion and nation building and safeguard media diversity, pluralism, freedom of expression and information.

"The department's community radio programme is working! The Greater Giyani Municipality partnered with the Giyani Community Radio Station and provided them with premises and advertising support to ensure the sustainability of the station.

"We call upon other municipalities to emulate this gesture, without compromising the editorial independence of the stations," she said.

The Minister added that the department would also continue to publish and distribute the fortnightly *Vuk'uzenzele* newspaper.

She said in the 2016/17 financial year, the department has allocated R25.8 million to produce and distribute 18.7 million copies per year in all 11 official languages.

"We will continue to encourage government departments to place recruitment advertisements in *Vuk'uzenzele*.

"I would like to thank departments that are using this platform to advertise their vacancies and I also encourage others to do so too," she said.

> Swi ya emahlweni ku suka eka pheji 1

tinharhu leti landzelaka.

Ndzawulo yi tlhela yi simeka ku sungula swilo swintshwa leswi vuriwaka Nongonoko wa le Xikarhi wa ku Avelana na ku Hangalasiwa ka Mirhi ya Vuvabyi bya nkarhi wo leha (CCMDD).

"Nongonoko lowu wu endla swi koteka eka vavabyi lava nga hlakarhela ku teka mirhi ya vona ku suka eka ndhawu yo teka mirhi ekusuhu na makaya kumbe emitirhweni ya vona – va hlayisa haswimbirhi nkarhi na mali.

"Swi tlhela swi hunguata mikarhi yo rindzela etitlininiki hi ku hunguta vutalo bya vavabyi lava faneleke ku ta etlininiki," u vurile.

Holobye Motsoaledi u vurile sweswinyana, kwalomuya ka vavabyi va 400 000 va

tsarisiwile eka nongonoko wo fikelela mirhi ya vona ku suka eka tindhawu to teka mirhi ta 1 000, ku katsa ku landzelela titlilabu, tindhawu ta rihanyo ra le ntirhweni, vatirhi vo angarhela na tikhemisi to ka ti nga ri ta mfumo.

U vurile leswaku ndzawulo a yi ri eku kunguhateni ku fikelela vavabyi va 800 000 eku heleni ka lembeximali leri.

"Hi fanele ku tlhela hi tiyisisa matirhiselo lamanene ya mirhi. Ku fikela sweswi, hi na swiletelo swa vutshunguri swa ntolovelo (ti-STG).

"Lembe leri hundzeke hi simekile Epe ku hangalasa swiletelo leswi, ku sungula hi nhlayiso wa rihanyo wa ti-STG.

"Apilikhexini leyi yi kumeka mahala ku suka eka switolo swa tiepe hinkwaswo naswona yi tlhela yi tirha ku nga ri na inthanete ku pfuna vatirhi va nhletelo wa

swa rihanyo eka tindhawu ta le makaya leti nga na vuhlanganisi bya xiyimo xa le hansi kumbe ku nga hava," u vurile.

U vurile leswaku epe yi pfuna ku teka swiboho eka ndhawu ya nhlayiso. Yi tlhela yi va na ntirho wo vika ku hela ka switoko kwihi na kwihi ka mirhi ya nkoka. Dokodela wihi na wihi eka xitirhisiwa xa rihanyo xihhi na xihhi, eku tsaleni ka murhi wa nkoka wihi wihi naswona a byeriwi leswaku wu herile, a nga ha photosa kunupu leyi nga ta vika hi ku kongoma ePitori.

"Dokodela a nga fanelangi ku kayakaya hi mafambiselo ya xibedlbele kumbe tlininiki leswi a swi fanele swi vikile xitoko xa le hansi loko a ku ri na mafambiselo lamanene ya xitirhisiwa.

"Apilikhexini se yi kopiwele ku suka eka netiweke mikarhi ya 15 000 eAfrika-Dzonga," u vurile.


Look out for the new and improved Vuk'uzenzele

Vuk'uzenzele will be celebrating its 100th edition in the next edition on 15 June. So look out for a new fresh look of *Vuk'uzenzele* SOON!

#Vuk100

Did You Know

- The newspaper is available in **Braille, Web & App**
- The 1st edition was published in: **October 2005**
- Number of copies produced: **153.75 million**
- Number of braille copies produced: **50651**
- Number of editions produced: **99**
- Publishing frequency: **Twice a month**
- Number of copies per edition: **850 000**
- Distribution: **All provinces**
- Number of households: **1 645 202**
- Reach: **5.1 million**
- Language: **All official languages**



JUNE EDITION
TWO 2016

NEW
LOOK

Vuk'uzenzele is also available in Braille and on: <http://www.vukuzenzele.gov.za>

Remember to follow us on:

f Vuk'uzenzele

@VukuzenzeleNews

Download App on:



Dorobankulu ra Ekurhuleni ri le ku antswiseni ka vutomi

Nonkululeko Mathebula

Dorobankulu ra Ekurhuleni ri endlile nhluvuko wo vonaka swinene naswona ri fikelerile switshembhiso swa rona eka vanhu. Leswi swi vonakile eka Mbulavulo hi Xiyimo xa Dorobankulu, laha mpfumaleko wa mitirho a wu ri ehenhla eka nongonoko.

Meyara wa Ekurhuleni Mondli Gungubele u kombisile mithlonthlo leyi va hlanganaka na yona na ku humelela loku endlliweke ku fika sweswi, na ku lwa na mhaka ya mpfumaleko wa mitirho eka rhijini ya yena, ku tiyisisa vaaki leswaku mfumo a wu ri eku lweni na ku xaniseka ka naswona a wu ri ku tumbuluxeni ka swivandla swa mitirho.

“Eku ringeteni ka hina ku tumbuluxa mitirho na ku hunguta vusweti, hi tumbuluxile swivandla swa mitirho leswi nga ri ki ehansi ka 200 000 eka malembe ya tlanu lama hundzeke, naswona hi ku tirhisa tiphurojeke ta mabindzu ya mfumo, hi tumbuluxile 52 856 wa swivandla swa mitirho hi ku tirhisa Phurogireme yo Ndlandlamuxa Mitirho ya Mfumo .”

U vurile leswaku swiyenge swo tala swa ikhonomi swi kotisile ku tumbuluxa engetelelo wa mitirho ya 148 589 eka ikhonomi ya rhijini hinkwayo hi nkarhi lowu fanaka.

“Ku hundza kwalaho, dorobankulu ri ngenisile vantshwa va 5 000 eka tikhamphani to hambanahambana hi tikondiraka ta malembe mambirhi, ku nga ri ntsena ku lwa na mhakankulu ya mpfumaleko wa mitirho kambe na

ku va humesela erivaleni eka ndhawu ya ntirho ku va endla va tholeka swinene eka nkarhi lowu taka.”

KU KURISA IKHONOMI YA MALOKIXI

Hi ku fambisana na ku tumbuluxa swivandla swa mitirho evuxeni bya Joni, Dorobankulu ra Ekurhuleni ri pfuxelela tiikhonomi ta malokixi ku tiyisisa leswaku bindzu ri humelela emalokixini.

Ku fikelela leswi, tihabu ta tlanu tintshwa ta ikhonomi ya malokixi ti tumbuluxiwele ku katsa na Etwatwa, Vosloorus, Duduza na KwaThema, leswi nga ta durha R90 miliyoni hi lembe.

Tiphurojeke to hlayanyana to durha mamiliyoni ya tirhandi ti tlhele ti nyikiwa eka van’waticondiraka lava va ha sungulaka eka rhijini, ku ri hi xivono xo tumbuluxa mitirho eka vaakindhawu.

Ntsengo wa 128 wa mabindzuningi lamantsongo, ma le xikarhi na lamakulu ma kumile mali ya engetelo ya R6 miliyoni leyi nga ta pfuna eku tlakuseni ka mabindzu ya vona.

Leti ko va tin’wana ta tiphurojeke leti endlliweke hi dorobankulu na ku vumba xiphemu xa R2.9 biliyoni leyi tiyisisiweke ku va ya Phurogireme yo Nyika Matimba eka Muganga wa Mitirho ya Vulavula.

TINDLU TA KAHLE

Meyara Gungubele u tshikerilele nkoka wa ku tiyisisa leswaku vanhu va na vutshamo bya



Meyara wa Ekurhuleni Mondli Gungubele hi nkarhi wo endzela Tlilini ya Villa Liza eBoksburg leya ha ku akiwaka sweswinyana.

kahle.

“Tanihi matshalatshala ya ku nyika tindlu ta kahle eka vanhu va hina hinkwavo, 112 781 wa tindlu ti akiwile exikarhi ka lembe ra 1994 na 2006.

“Hambiswiritano, 14 781 wa tindlu leti ti akiwile exikarhi ka lembe ra 2011 na 2016 naswona eka lembeximali leri hi mhlengo leyi nyikiweke hi Mfumo wa Xifundzhankulu.

Makungu lamakulu ya ku ndlandlamuxa dorobankulu ra eThekwini

Thandeka Ngobese

Ku tumbuluxa mitirho, ku hlulukisa vuswikoti, nhuvukiso wa ikhomi ya ndhawu na ku aka tindlu swi rhangile emahlweni eka nongonoko wa swilaveko swa vukorhokeri bya masipala wa eThekwini, ku vula Meyarankulu James Nxumalo sweswinyana loko a andlala Mbulavulo wa yena hi Xiyimo xa Dorobankulu.

Meyarankulu Nxumalo u ri mpimanyeto wa dorobankulu wa R41.6 biliyoni wa lembeximali ra 2016/17 wu ta tirhisiwa ku lulamisa mithlonthlo ya switirhisiwa, mpfumaleko wa mitirho, nhluvukiso wa vuswikoti na ku kula ka ikhonomi.

“Xiphemu xikulu xa mpimanyeto lowu xi ta tirhisiwa ku hlulukisa ikhonomi ya ndhawu. Hi vekile ethelo ntsengo wa R28 miliyoni ku hlulukisa lokixi ra Hammarsdale leswaku ri va habu ya ikhonomi,” u engeterile.

Malokixi yan’wana lawa ya nga ta antswisiwa ya katsa:

- Isipingo – R17 miliyoni
- Nodi ya Vupfumbha ya Umgababa – R32 miliyoni
- Antswiso wa Umlazi Precinct – Nodi ya V – R20 miliyoni
- Habu ya Tifeme ta Timboni ya Umlazi SME – R13 miliyoni
- Vuhlayiselo bya Bindzu ra Ndhawu ya Masipala wa eMagabheni – R10 miliyoni.

“Hi mpimanyeto lowu hi lava ku vona nhluvukiso lowu nga ta hoxa xandla eka ku tumbuluxiwa mitirho. Hi lava dorobankulu ra manyunyuni leri nga ta koka mahlo ya vaphumba na ku va ndhawu ya kahle ku hanya eka yona.

Hi lava ikhonomi yo tiya na ku kota ku yisa emahlweni leyi nga ta pfuna ku tumbuluxa mitirho ku va va vantshwa va ta tirha,” u vurile.

KU TUMBULUXA MITIRHO NA NHLUVUKISO WA VUSWIKOTI

Dorobankulu ri na kwalomuya ka 943 wa vatirhi va kondiraka va ku ngenisa tiphayiphi ta mati lava tirhaka hi ku siyerisana ku nyika vukorhokeri lebyi fambelanaka na mitirho ya mati.

“Sweswi hi tibohile ku thola nhlayo yo engetelela ya vatirhi va ku ngenisa tiphayiphi ta mati leswaku hi ta komisa nkarhi wa ku nyika vukorhokeri. Ku na kwalomuya ka

1 250 wa vatirhi lava hlaisaka switirhisiwa swa swihambukelo, laha nhlayo yo engetelela ya 50 yi nga ta thoriwa lembe roleri loko miako ya swihambukelo yin’wana yi ta hela ku akiwa.

“Hi tlhela hi va na 366 wa van’waticondiraka va ndhawu, lava nga thola 1 770 wa vanhu lava tirhaka ku rhwalela malakatsa. Pfhumba ra ku lwisana na vusweti ra Zibambele ri tumbuluxile ku tlula 6 200 wa mitirho,” ku engeterile Meyarankulu.

PHUROJEKE YA NHLUVUKISO WA VATIRHI VA MITIRHO YA MAVOKO

Dorobankulu ri ta letela 10 000 wa vatirhi va mitirho ya mavoko eka nkarhi wa malembe manharhu. Meyarankulu Nxumalo u vurile leswaku phurojeke yi ta hakeleriwa hi mali leyi nga sala eka mpimanyeto wa mahlayiselo. “Mati, thyaka ro tiya na vunjhiniyere swi vekiwele ntsengo wa R11 miliyoni leyi nga ta tirhisiwa eka nongonoko wa lembeximali leri ta ka. Xikongomelo i ku va vatirhi va mitirho ya mavoko va antswisa mahlayiselo ya masipala.”

Meyarankulu u komberile tiyuniti hinkwato leti nga na minongonoko ya mahlayiselo ku hoxa xandla eka pfhumba. Phurojeke yi ta endlwiwa eka nkarhi wa malembe manharhu naswona mali yi leyi nga ta tirhisiwa yi ta aviwa hi ndlela leyi: R223 miliyoni eka lembe ro sungula, R260 miliyoni eka lembe ra vumbirhi na R260 miliyoni eka lembe ra vunharhu.

NHLUVUKISO WA VANTSHWA

Dorobankulu ri vekile ethelo R77.53 miliyoni leswaku yi ta pfuneta ku hlulukisa vantshwa eka lembeximali roleri hi mafhumba lawa ya nga kongomisiwa eka nhluvukiso wa vantshwa eka masipala hinkwawo.

“Eka mikarhi yin’wana, yi ta kongomisiwa eka xiyenge xa vuswikoti byo karhi lebyi kalaka. Eka mikarhi yin’wana, yi ta tirhisiwa eka matshalatshala ya ku hlulukisa vuswikoti hi ku angarhela”

“Matshalatshala lawa ya katsa pfhumba ra Meyarankulu ra mpfuneto wa swichudeni na tibasari eThekwini; ku dyondza hi ku tirha eka vadyondzi kumbe vatokoti hi ku tirha, dyondzontirho/dyondokendla/phurogireme ya vuswikoti na Vuswikoti bya Vukambatinkota eka Muganga hinkwawo; nhluvukiso wa mitirho na nseketelo; valeteriwa lava swi thwaseleke; swichudeni, nseketelo wa

swiyenge na tiphurogireme tin’wana.”

Kwalomuya ka 2 968 wa vantshwa va languteriwele ku vuyeriwa eka mapfhumba lawa.

“Lembe leri nga hundza hi simekile Hofisi ya Vantshwa ku ta langutisana na timhaka ta vantshwa. Hofisi ya Vantshwa yi nyikiwele mpimanyeto wa R9.9 miliyoni. Mali leyi yi ta tirhisiwa, exikarhi ka swin’wana swilo, tiphurogireme ta nhluvukiso wa vantshwa, Samiti ya Bindzu ra Vantshwa, Nkhuvu wo Tlangela N’hweti ya Vantshwa wa Afrika na ‘Vujejelele’ bya Vadyondzi va ka Metiriki,” u vurile.

KU HUNGUTA VUSWETI

Nhlayo ya vanhu lava nga eku vuyeriweni eka phurojeke ya dorobankulu ya ku phakela supu yi le ku tlakukeni naswona dorobankulu ri tlakusile phurojeke ku fikelela swilaveko.

“Eka nkarhi wa sweswi hi na 36 wa switanga swa ku phakela supu kambe, lembeximali leri, hi ta swi tlakusa ku ya eka 54. Switanga leswi swi na vatinyiketeri va 353 – lava ku nga 36 wa vafambisi na 317 wa vatinyiketeri.” Meyarankulu u vurile leswaku nhlayo yi ta tlakusiwa ku ya eka 486.

NHLUVUKISO WA TINDHAWU TA LE MAKAYA NA VUSIRHELERI BYA SWAKUDYA

Ntsengo wa mpimanyeto wa swa vurimi i R27.8 miliyoni. Ku na 85 wa swirhapa swa vaaki leswi seketeriwaka hi manyoro, ku biyeriwa, vuhlayiselo bya swikhomelo, swihambukelo na switirhisiwa swa mati.

“Swirhapa swa vaaki hinkwaswo swi tlhela swi seketeriwa hi switirho. Hi ku ya hi tiphaka ta Vurimi, R5 miliyoni yi vekiwele ethelo ku va ya makunguhatelo naswona mhlengo yo engetelela yi ta laviwa loko mitirho yo lavisisa loko pfhumba ri ta famba kahle yi herile,” ku engeterile Meyarankulu.

KU TUMBULUXA NDHAWU YA NKOKA YO HANYA EKA YONA

Dorobankulu ri vekile ethelo R3.4 biliyoni ya tiphurojeke ta tindlu ku tiyisisa leswaku vaaki va na mfikelelo wa nkoka na tindlu ta kahle. “Ku nyikiwa ka tindlu, vukorhokeri bya bya masungulo na bya vanhu swi fambisana na ku tumbuluxiwa ka vutshamo bya vanhu bya nkarhi wo leha,” u vurile.

Eka nkarhi wa sweswi hi le ku akeni ka 471 wa tindlu ehenhla ka 526 leti nga pimanyetiwa.

“Tlhandla ka mbirhi, hi nyikile vukorhokeri eka switandi swa kwalomuya ka 124 758 eka nkarhi wu ri wun’we. Mapapila ya vun’winyi na vun’winyi lebyi hetisekeke bya misava byi nyikiwele eka vanhu va 124 758 hi ku nga tumbuluxiwa 112 wa malokixi ya vutshamo naswona nhlayo yo engetelela ya mindyanguni ya 32 544 yi amukerile mapapila ya vun’winyi bya misava” ku vurile Meyara Gungubele.

U engeterile hi ku vula leswaku hofisi ya kwe yi le ku tirheni hi matimba ku herisa tindhawu ta swidakani na ku kacha endzhaku ka tindlu hi ku akela vanhu tindlu leti ringaneke.

KU TLAKUSA MFIKELELO WA GEZI

Dorobankulu ri ngenisile gezi eka mindyanguni leyi kumaka mpfuno yo tlula 27 000. Ri tlhele ri ngenisa timboni ta le magondzweni to engetelela ta 6 972 ku sukela hi 2011.

Ntsengo wun’wana wa R1.6 biliyoni wu vekisiwele eku antswiseni na le ku pfuxeteni ka netiweke ya gezi ra dorobankulu.

“Tanihileswi leswi switichintsongo swa gezi ra laha tikweni swa ha ri eku tikeriweni, matshalatshala ya hina ya ku angula eka leswi ya katsa ku humelerisa 300 wa ti megawatsi ta gezi ro pfuxetiwa loko ku ya fika 2020.

“Ku fikelela leswi, dorobankulu ri simekile Phurogireme ya Vuhumelerisi bya Gezi leri nga ta endla swi koteka ku xava gezi ku suka eka vahumelerisi wo hambanahambana va gezi leri pfuxetiwaka” ku vurile Meyara Gungubele.



Madzanadzana ya vanhu va le ku vuyeriweni ku suka eka pfhumba ra masipala wa eThekwini ra ku phakela supu.



Phurojeke ya Tindlu ya Cornubia yi le ku nyikeni vaaki va KwaZulu-Natal tindlu leti a va ti yimerile hi mahlongati.